

circumvicias conferatur editissima, adeo ut nullum aliunde fluvium accipiat, sed plures ex se emittat. Ex hoc editiori situ aspera est, algida, & ventis undique perflata. An ab *Alen* fluviolo, qui in hac exortus semel atque iterum se recondit cuniculum agens, nomen accepit, nescio. Montes bobus, ovibus, capris sunt referti, convales alicubi frumenti satis feraces, maxime ad Orientalem partem cis *Aleum*: Occidentalior autem pars minus est fertilis & nonnullis in locis plane ericetum, & infrugifera. Memorandum vero nihil habet praeter monasteriolum dirutum, laetissime, & amoenissime in valle situm, quæ inter nemorosos colles se in crucis figuram decussat, unde *Vallis Crucis*, Britannice *Lhane Gwest* appellatur.

Ab hac magis in Ortum territorium, Britannice *Mailor Gymraig*, id est, *Mailoria VVallica*, Anglis *Bromfield*, usque ad *Devam* fl. pertingit, lata admodum regiunctula & plumbi fera, præcipue juxta *Moinglath* viculum, qui à fodiinis nomen assumpit. *VVrexham* hic cernitur, Saxonice *Wpittleham*, sacra turre elegantissima conspicuum, Musicisque in Ecclesia organis celebratum: & huic vicinum est *Leonis castrum*, à Legione xx Victrice, quæ paucis superiorius ad alteram *Deva* ripam egit, forte sic dictum, nunc *Holt* vulgo vocatur, instauratumque creditur nuper à *Guilielmo Stanleio*, & olim à *Ioanne Comite Warrenia*, qui tutor fiduciarius hanc provinciam à pupillo *Madoco Britannico* regulo una cum *Nale* sibi intervertis. A *Warrenia* vero Comitibus ad *Fitz-Alanos Arundeliæ* Comites, & ab illis ad *Guiliel. Beauchamp Baronem Abergavenne* devenit, posteaque ad *Guilielmum Stanley*, qui cum capite plexus esset,

hæc & aliæ ejus possessiones fisco fuerunt adiudicatae.

Bromfeldia ad Austrum *Chirke* subjacet, Britannice *Gwain*, satis etiam illa montosa, sed duobus castris nobilitata, *Chirk* scilicet, quod nomen dedit, à Rogerio de *Mortuomari* posito, & *Castle Dinas Bran* in editissimo fastigati montis jugo suspensus, cujus nunc nihil nisi parietinae supersunt. Hoc vulgus *Brennum Gallorum* ducem in ædificasse, & denominasse affirmat, alii *Castrum Palatii Regis* interpretantur, *Brenn* enim Regem Britannice significat, unde fortasse ille Rex potentissimus Gallorum & Britannorum per excellentiam dictus *Brennus*: sed à situ ex celo in colle, quem *Erynn* vocant Britanni, alii nomen esse contendunt, & quidem mea opinione, multo probabilius. Henrici Tertii tempore sedes erat *Gruffini* filii *Madoci*, qui cum ab Anglis contra Wallos staret, in hoc se continere solebat, sed illo defuncto Rogerus de *Mortuo-mari*, qui ejus filio *Leolino* curator datus, perinde ut *Ioannes* (quem dixi) *Warrenia* Comes *Bromfeldiam*, ita hanc *Chirkam* sibi occupavit.

Cum res Wallorum inter se seditionibus, & Anglorum incursionibus in lapsum prona jam fisti non poterat, Comites Cestriæ, *Warrenia*, *Mortuomarii*, *Laci* & *Greji*, quos dixi, primi Normannorum hanc Provinciam paulatim in suam potestatem redegerunt, & suis possidendam reliquerunt. Nec ante Henrici Octavi tempora in Comitatum instituta, quo tempore etiam *Radnoria*, *Brechinia*, & *Montgomeria* auctoritate Parlementaria facti fuere Comitatus.

Quætor
novi Co-
mitatus
Wallieæ,
27. Henr.
8.

In hoc agro *Parœcia* sunt 57.

F L I N T - S H I R E.

Denbighiensi agro ad Septentri-
nem longior, quam latior præja-
cat Flintensis provinciola, Anglis
Flint-shire, Hibernico mari, sive
potius *Deva* aestuorio ab *Arcto*
pulsata, ab Ortu Cestrensi Comi-
tatu, ab aliis plagiis Denbighiensi finita. Non illa
quidem montana, sed collum prominentia aliquantulum surgens, quæ leniter in fertilissimos
agros resupinatur, qui, præsertim quæ mare pro-
spiciunt, primo quoque anno nonnullis in locis
hordeum, aliis triticum, in universum secale vi-
cesimo & supra scenore, & postea avenam in qua-
tuor aut quinque annos profundunt. Occidua
vero ejus pars vallem Cluidanam, quæ illa mari
proxima descendit, & superiorem ejus partem
occupat.

In hujus & Denbighiensis agri confinio, quæ
molliori devexitate montes se subducunt, & fa-
ciliorem in vallem descensum, & transitum præ-
bent, in ipsis faucibus urbeculam *VARIM* po-
suerunt Romani, quam à *CONOVIO* ad *xix*
milliare locat *Antoninus*. Hæc nulla sui nomi-
nis parte truncata, *Bod-Vari*, id est, *Manso Vari*
hodie vocatur, ostenditque dirutæ urbis vesti-
gia in proximo monticulo, quem illi *Moyly Gaer*,

id est, *Mons urbis*, appellant. Quæ vero sit no-
minis significatio, non liquet, nos *Variam* trans-
itum Britannis priscis significasse alibi opinati,
& *Durnovariam*, *Isanna Variamque*, Aquæ & *Isan-*
næ transitum interpretati sumus, & à nostra
opinione facit hæc *VARIS* eo loci sita, ubi so-
lum patet facilis inter montes transitus. Nec
tribus hinc abest milliaribus *Caer-wisk*, cuius
nomen licet antiquitatem præseferat, nihil tam-
en ibi antiquum vel observatione dignum de-
prehendimus.

Infra hanc *VARIAM* in valle prolabitur *Clui-*
da, statimque *Ewy* fluviolus una confluit, ubi *E-*
piscopal est sedes. Hæc à flumine *Llan-Ewy*
Britannis, à patrono *Asapho*, *S. Asaph An glis* & *S. Asaph*,
Asaphensis historicis nominatur. Nec oppidum, sua
elegantia, nec templum, vel structura, vel orna-
tu prædicandum, vetustatis tamen nomine neu-
tiquam tacendum est. Circa annum enim repa-
ratæ *Salutis DLX*, *Kentigernus Episcopus Glaf-*
vensis è *Scotia* profugus Episcopalem sedem,
cœnobiumque hic constituit, congregatis sex-
centis sexaginta tribus fratribus, quorum tre-
centi illiterati agriculturæ, totidem alli operibus
intra monasterium exercendis, reliqui divinis re-
bus peragendis vacarent; quos ita per conven-
tus dis-

Varis.
Bod-Vari.

Britannia

Ville-
Crucis.

Plum-
bum.
Wrex-
ham.

Holt.

D. Po-
well.